

balem compluribus victoris feroce[m] subsequen[d]o coercuit. Dictator magistro | equitum Minucio, quoius popu[li]us imperium cum dictatoris | imperio aequaverat, et exercitu | profligato subvenit et eo nōmīne ab exercitu Minuciano pa[re]ter appellatus est. Consul quintum Tarentum cepit, triumphavit. Dux aetatis sua[m]e cautissimus et re (*sic*) militaris peritissimus | habitus est. Princeps in senatum | duobus lustris lectus est.<sup>2</sup>

*Integra (praeter v. 4) extabat saec. XIV. XV Arretii, quod exemplum hodie extat Florentiae (XI 4828); exempli collocati Romae in foro Augusti fragmentum prodidit loco antiquo anno 4889 (Bull. com. 4889 p. 74. 481, huius litteras distinxii lineis subduetis). Illustravit Mo. I p. 288. — Q. Fabius Maximus Verrucosus consul fuit a. 521. 526. 539. 540. 545, dictator iterum a. 537, obiit a. 550. — 1) V et mox II exemplum Arrelinum, . . . nquien . . . is Romanum. — 2) A. 545. 550 (Liv. 27, 41, 42. 29, 37, 4).*

57 L. Aemilius | L. f. Paullus | cos. II, cens., interrex, pr., aed. | cur.<sup>1</sup>, q., tr. mil. tertio, aug. Liguribus domitis priore | consulatu triumphavit. | Iterum cos. ut cum rege | [Per]se bellum gereret a p[o]pulo<sup>2</sup> factus est. Copias regis | [decem dieb]us quibus Mac[e]doniam attigit delev[it], | regem cum liberti]s cep[it].

*Arretii (XI 4829). Illustravit Mommsen I p. 289. — 1) Cos. a. u. c. 572. 586, censor a. 590, praetor a. 563, aedilis curulis a. 562. — 2) Sic supplevit Mo., recte ut puto (cf. etiam Nissen Unters. p. 263); ap[er]tus Bormann.*

58 [Ti. S]empronius P. f. | Gracchus | . . . .

*Arretii (XI 4830 cf. I p. 289). Pertinuit ad consulem a. 577. 591.*

59 C. Marius C. f. cos. VII, pr., tr. pl., q., augur<sup>1</sup>, tr. mil.<sup>2</sup>. Extra sortem bellum cum Iugurtha<sup>3</sup> rege Numid.<sup>4</sup> cos. gessit. Eum cepit et triumphans in secundo consulatu ante currum suum duci iussit. Tertium consul<sup>5</sup> apsens<sup>6</sup> creatus est. IIII cos. Teutonorum exercitum | delevit. V cos. Cimbros fugavit<sup>7</sup>, ex | ieis<sup>8</sup> et Teutonis iterum triumphavit. | Rem p.<sup>9</sup> turbatam seditionibus tr. pl. | et praetor., quei<sup>10</sup> armati Capitolium occupaverunt, VI cos. vindicavit. | Post LXX annum patria per arma | civilia expulsus armis restitutus | VII cos. factus est. De manubiis | Cimbris et Teuton. aedem Honori | et Virtuti victor fecit. Veste | triumphali calceis patriciis [*in senatum venit*] . . .

*Integra (praeter finem) descripta est Arretii saec. XIV (XI 4831); exempli urbani fragmentum saec. XV prodidit ut videtur ibi ubi fuit forum Augusti, nunc est Neapoli (VI 4345), particula exigua reperta est a. 1876 in villa Aldobrandinia (eph. ep. 4, 817) (exempli urbani litteras lineolis distinxii). Illustravit Mommsen I p. 291. — C. Marius consul fuit septies, a. 647. 650 – 654. 668, praetor a. 659 (Cic. de off. 3, 20, 79 al.), tribunus plebis a. 655 (Plut. Mar. 4), tribunus militum a populo (Sall. Iug. 63), augur (Cic. ad Brut. 4, 5, 3). De veste triumphali memorata in fine cf. Liv. ep. 67, Plut. Mar. 42. — 1) aug., 2) tr. militum, 3) lugurta, 4) Numidiae, 5) cos., 6) absens, 7) fudit, 8) iis, 9) pub., 10) qui exemplum Arrelinum.*